

困兩南

學鈔窗

齋摘紀

錄腴談



困
學
齋
雜
錄

鮮于樞
撰

中
華
書
局

叢書集成初編

南窗紀談（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘二〇九二毫米三十二分之一

統一書號：一七〇一八·一五一

叢書集成初編所選知不足
齋叢書及幾種叢書皆收有
此書知不足不在前故標以
排印

困學齋雜錄

元 鮮于 樞撰

劉道原曰：大江之南，前代要服。舜禹南巡，崩不返葬，禹非不尊敬舜也，啓非不孝於其父也。時享在乎廟貌，魂氣則無所不之也。秦漢而下，崇在墓祭，違經棄禮，違事尸祔，難以語乎理矣。

李正方腹中有鱗甲，諸葛亮謂腹中有鱗甲者，但不犯耳。

許緒長八尺餘，大十圍，馬超問太祖曰：公有虎侯者，安在軍中以緒有力如虎而癡，故號虎癡，是以超問虎侯。

任城君慶之云：在東平時，南王子測，一作測。

從容問楊叔能之詩於止軒先生，先生曰：叔能早年詩名籍甚，初入京時，如空村謠，甘羅廟，諸作，楊趙諸公極口推許，及自關中還，所作澹不可讀，大凡作詩作文，

但撒手調腳便壞了。

劉祭酒雲震以酒自晦，常有東宮千秋節，應教詩云：一年一度到青關，每到青關盡醉歸，絕勝杜陵驢背上，朝回日日典春衣。又訪杜仲梁，不遇云：壯節文章今老成，而今何況白頭生，牧之賦墨今勍敵，甫也詩壇舊主盟。吾在儘從陵谷變，氣高常壓海山平，東湖花草西湖月，不管文園舊長卿。游子明尹大興公爲字掾索詩，卽席賦浣溪沙，粉署含香舊有名，庖刀試手便蟬螳，并州人物未飄零，父老共傳新政。

好兒童都道長官清。十分和氣滿春城。春寒云。東風連日晴塵沙。二月邊城草未芽。燕子不來庭院悄。定銜春色入誰家。公常游東平。嚴彥祖餞東湖亭。請賦長短句。卽席作太常引。東湖亭下簇金鞍。四座浹清歡。人物畫中看。只枉了劉郎鬢斑。花枝裊娜。酒盃潑灑。全不放春閒。絲竹舊東山。暢好個風流謝安。都城元夜念奴嬌。景龍天氣。正餘寒料峭。□□簾幰。萬斛金蓮光不夜。香滿雲間樓閣。金鐙頻敲。繡簾高揭。應爲黃昏約。霜娥無恙。喚人依舊飄泊。卻恨鳥兔無情。把人青鬢白。慙星星卻。千古繁華行樂地。誰笑誰歌。誰酌。北海樽罍。東山絲竹。夢裏揚州鶴客。尙無寐。故人誰念。蕭索得。薦不遇太常引。眈眈九虎隔重關。到天上卻空還。回首謝塵寰。問今日誰人姓韓。瓜田蔬圃。竹溪松徑。何地不堪閒。且莫問長安。比蜀道。元來更難。跋甯戚扣角圖。老眼紛紛。睽戰塵。十年無路覓通津。一聲白石功名下。輸與齊東扣角人。

前宋士人山行於絕壁。人跡不到處。見有題詩者云。鳴梢疊葉響颼颼。枕底寒聲爲客留。野鶴不來山月墮。獨眠滋味五更秋。少前遇揖人坐大石上。意其爲詩者。欲前揖。忽不見。余謂仙人亦有未能忘情者邪。

陽羨驛舍壁上題漁家傲。不知何人作。案能改齊漫錄詞常接接昏復曉。一場大夢誰驚。先一作覺。洛水東流山四遠。路傍幾個新華表。見說在時官職好。爭信道。冷煙寒雨埋荒草。

輕諾似烈而寡信，多易似能而無效。進銳似精而去速。詞似常□似察而事煩，許施似惠而無成而從。

似忠而退遠，此似是而非者也。亦有似非而是者。大權似姦而有功，大智似愚而內明，博愛似虛而實厚，正言似訐而情忠。夫察似明，非御情之反；有似理訟，其實難別也。非天下之至精，其孰能得其實？故聽言信貌，或失其真。詭情御反，或失其賢。賢否之察，實在所依。是故觀其所依而似類之，實可知也。

詩人撒舉字彥舉。陝人性嗜酒，工於詩。客京師十餘年，竟流落而死。有詩集行於世。今得逸詩數篇，信手錄之。無題云：誰家金鴨暖梅魂，繡戶春風半掩門。桃葉等閒留暮雨，梨花寂寞過黃昏。盤盤鸞髻堆雲影，濟濟蛾眉掃月痕。常似謝家銀燭底，鳳凰釵影落瑤尊。記夢云：千里晴函楚客行，關河西上鐵牛城。申湖亭下月初上，召伯堂前草自生。十里杏園紅雨暗，一條春水碧羅平。覺來半壁寒燈底，吹落風簷暮雪聲。過沙井云：沙沈石馬廢城秋，劍鉞寒生古戍樓。平日只疑無蜀道，此行何處問荊州。山連海塞從西斷，水界龍荒盡北流。一曲商歌才夜半，朔風吹雪滿牛頭。遊香山云：石棧天梯落日紅，誰開青壁削芙蓉。捫參歷井來何暮，佩玉鳴鑾更不逢。僧去古潭雲渡水，鶴陰清露月平松。世間骨相誰潘閔，誤打金陵半夜鐘。潘閔詩云：頑童趁暖食春睡，忘卻登樓打曉鐘。送郭祐之云：南口青山北口雲，天涯何地又逢君。陌頭楊柳西行馬，畫角三聲不忍聞。

中朝名士有以木菴陪飯，資太師陪鍼。王狀元陪口，作三陪圖。徵詩當代名勝爲一知者。鹿菴先生題云：寺主善爲無米粥，病人要喫沒錢鍼。皇都詩老多才思，收拾寒酸入笑林。或云：始闢者太保公也。

江漢先生趙復字仁復武昌之役始初渡江時寄皇甫庭云寄語江南皇甫庭此行無慮隔平生眼前漫有千行淚水自東流月自明又自遣詩云醉乘鸞馭到仙家彩筆雲箋賦落霞老去空山秋寂寞自鋤明月種梅花人甚稱之

呂龍山與趙虎巖齊名平生多佳句夏日道中一絕句曲盡田家夏日之趣棗花初落路塵香燕掠麻池乍頽頽一片雲陰遮十頃賣瓜棚下午風涼

杭士王子慶收西域圖閤中令畫褚河南書丹青翰墨信爲精絕意當時所畫甚多今止存四國前史皆逸而不書今錄於此附國者蜀郡西北二千餘里卽漢之西南夷也有嘉良夷卽其東部所居種姓自相率領土俗與附國同言語少殊不相統一其人竝無姓氏附國王子宜僧其國南北八百里東西千五百里無城柵近川谷傍山險俗好復讎故壘石爲巢而居以避其患其巢高至十丈每級丈餘以木隔之基方三四步巢上方二三步狀似浮屠於下級開小門從內上通夜必閉關以防盜賊國有二萬餘家號令自王出嘉良夷政令繁之酋帥重者死輕罰牛人皆輕捷便擊劍用矛漆皮爲甲弓長六尺以竹爲弦妻其羣母及嫂兄弟死父兄亦納其妻好歌舞鼓簧吹長笛有死者無服制置屍高牀之上沐浴衣服被以卒甲覆以獸皮子孫不哭帶甲舞劍而呼之我父爲鬼所取我欲報冤殺鬼其餘親戚哭三聲而止婦人哭必以兩手掩面死家殺牛親屬以豬酒相遺共飲啖而瘞之死後十年而大葬鄭畋與盧攜爭高駢請公主下嫁南蠻事攜怒拂衣去裙幘於研因抵之帝以大臣爭口語無以視百官

乃俱罷。

兩浙都轉運使廉希貢。中統初。平章公之弟。累官至正議大夫。余在運幕。知公最詳。公子閩人。讀書略通大義。尤喜讀易。爲人沈靜寡言。樂善有守。至元二十七年七月末旬下血。適其兄參政公以事來杭。八月八日疾革。沐浴易衣冠而逝。家人舉哀久之。忽搖手止哭者。起坐。謂其兄參政公曰。吾與兄生同胞。相離十餘年。今幸遇會於此。謂必能承事顏色。接杯酒之歡。數月而別。豈期一病至此。今將永訣。兄能無一杯相餞乎。時久不飲酒。參政公手斟醕漿一杯飲之。且謂曰。吾父母去矣。大兄去矣。五弟六弟去矣。吾二人年各五十之上。死不爲夭。勿以妻子之故亂汝身後。汝之妻子。吾竭力以恤之。汝去之後。吾繼汝去矣。公首肯。又囑其弟端夫理問。及其子可忠等。勉以忠孝。促令驅馬。旣告辭。復臥而逝。身後家無一錢。行囊贖楮幣五十匹。乃得歸中山。

福州之俗。冬至設醮。以爲引新死者見其祖。如古禮祔廟。

許公度說。中統間。左相安童嘗問魯齋釋老之說。先生曰。某未嘗讀其書。不知其說。又問張耀卿。魯齋教人讀小學。其說如何。耀卿云。某自幼時知童蒙。如入學便讀孝經。此時小學未行於世。小學乃是禮經。摘出非全經。不足學。左丞張仲謙從旁對曰。小學之書。專載童子當爲之事。若孝經。曾子尚云。參不敏。何足以知之。況童子乎。又云魯齋欲與國學教國朝胄子。可謂知本。

閑閑宿三學士院對月詩云。何年覲佛月。天子各以寶華樓。閑閑俱爲問上方。銀世界。不知有此夜寒無。

馬德昌收米元章書及自寫真并贊云。四明從事晉陵錢君世京。字延叟。過襄陽米芾曰。昨送季濟明渡江。與汪行之復會蕭閒堂。已撤幕。壁間有君像。而題曰。權杭州觀察推官米元章像。楊之傑贊曰。君子之交。小人之讎。以人方人。叔度宜儔。余以袖掩字而問行之曰。誰歟。行之曰。君也。僕爲檢同氣德友識面三編。無二君名姓。嗚呼。古人論世取友。況同世哉。世復有三君子者。觀文殿學士王公韶。字子純。樞密直學士劉公庠。字希道。則僕竟不識其面。選人蔡君肇。字天啓。於相知間語僕。若素心腹者。云得僕於王荊公。蓋僕於元豐六年赴希道金陵從事之辟。會公謫不赴。始識荊公於鍾山。聞公門有數後進。喜爭名而非。又託以長者之言也。如天啓樂道人善者。一人而已。僕老矣。一知一蔡二楊。行能識面乎。因延叟之語發歎。并記其事於家集中。以貽子孫。嗚呼。仕開速進之路。則世人之邪說大行。紛紛不求己而非人。豈其本心。實利之誘然。今樂善君子。一何多邪。彼口不道忠信。捷捷而惡人。翩翩而自喜。默默懷姦藏慝。竊竊掩人之善。咕咕自標置者。得不少悛乎。旣序其事。因系以詩。誰規蕭閒堂。陶贊凡醜質。昧昧起我思。有懷斯士吉。吾生終不逢。二陵已相失。苟養走四方。公卿更絕跡。向老交漸稀。背憎十六七。豐吾九畹蘭。任汝滿地棘。我豈蕭閒人。偶然得空壁。美哉何方彥。精驅入妙筆。君不愧顧長康。取媚桓溫圖。九錫我不愧。孟浩然。緩策京山遇。歷詰前此交道久不康。紛紛白頭多不卒。嗚呼。紛紛白頭多不卒。回首此君應辟易。

山谷與秦少章書云。比在告。熟讀所惠詩卷。如公關祭文。語氣詩句。極有風裁。可喜合處。便似吾少游語。

然恨在遺詞。病在骨氣耳。古之聞道者。請問治天下。則對曰。去汝鄙人也。何問之不豫也。文章雖未學。要須茂其根本。深其淵源。以身爲度。以聲爲律。不加開鑿之功。而自龍深矣。公誠以此言爲可。猶有一物爲公道之。二十年來。學士大夫有功於翰墨者。爲不少。求其卓爾名家者。則未多。蓋嘗深求其故。病在欲速成爾。夫四時之運。天德也。不能卽春而爲冬。斷可識矣。承自屈訪逮。故及此。更古之大方之家。有所聞見。幸見教。此帖語在刀筆

蘇滄浪帖云。草書把筆。離紙三寸。取其紙寬。掌平虛腕。法圓轉。則飄縱之體自絕出耳。

米帖。朱雀橋南萬井煙。輪蹄不放草芊芊。天街惟有新楊柳。雨色春容占一年。唐中書舍人杜牧之能作此語。宋中書舍人薛道祖能作此語。清漣老令不勝降歎。遞中得書筆當付便分。非遞可附。九月與鼇同到耳。

七里村一麥四穗兩歧。不可勝數。豐年上瑞。自人和土澤。汪洋似湧波。海角嘉禾猶四穗。萬方和氣不勝多。卽事人和訟簡契疎懷。飄理文滄世少偕。龍吼惠風傳玉壘。露瀼寶月乞銀淮。婁公勝相崇三果。袁守靈丹健百骸。夏木陰森三十畝。夢回午蔭置山齋。

秘書郎喬仲山云。至元十年。自以東曹掾出使延安。道出鄜州。土人傳有杜少陵骨在石中者。因往觀之。石出州市。色青質堅。樹於道傍。中有人骨一具。趺坐。若生而成者。與石俱化。以佩刀削之。真人骨也。士大夫家收得呂忠穆公頤浩訓姪帖云。予自寒苦起家。平生仕宦。赴公盡瘁。不敢辭難。致仕將相。姪擢

因祖先積慶，得此一命，須爲門戶，爲婦母二幼自重，守官如後。

一勤廉爲仕宦，勤則上位必見喜，廉則吏人自是差服。

一自監司知通極恭，與同官極和。

一慎言語，不可輕發一談。

一寡戲笑，不可容易玩狎。

一勿飲酒。

一不可令市買在務未經稅之物。

一其他一一畏慎。

紹興三年正月初五日上押付擲。

子貢好廢舉，與時轉貨。劉氏注云：廢，謂物貴而賣之舉；謂物賤而買之，與時，謂逐時轉貨，謂轉貴收賤也。越人王修竹所藏雪竇禪師真跡詩云：有無盡是兩頭語，諸祖因茲不立言。宋代兒孫列戶牖，一花五葉失其傳。永嘉雖問曹溪路，畢竟惟明自己禪。根器警敏誠難遇，鑿透高原始及泉。未用封字印，是曾入賈秋壑家有韓宗古敏甫時邦美朱伯原吳邦獻王元直周仁熟鄧子常白蒙亨章致平王子助霍靜之紹聖四年跋。張浮休偈云：雪竇傍邊又生一孔，北邙山下千家萬家。兔角龜毛，竟將何用？子細尋思，不如珍重。米元章云：一幅昏昏半已空，何人重出自爲工。從茲萬偈并千頌，擾亂春風卒未窮。

江浙行省掾高仲器收白芍藥一軸。景祐元年十月七日。高平范仲淹題詩其上云。桐廬方正父家藏唐翰林畫白芍藥。予來領郡事。因獲一見。感歎久之。而題二十八字。治亂興衰甚可嗟。徒憐水調素榮華。開元盛事今何在。尚有霓裳寄此花。

楊叔能事言補詞氣不甚平和。爭辨譏罵居多。今錄數事於此。

人不讀儒書以變化之。無良師友以教益輔成之。雖年至七十。亦無異於十五六之時也。但髮白面皺耳密。州趙德正云。泰山如坐。嵩山如臥。華山如立。

火葬天下之至慘也。人子不學。違聖人之訓。爲時世所移。懵然爲之。父母何罪。歿而遭大戮。嗚呼冤哉。嗚呼痛哉。

老氏釋氏。吾有取乎。曰。有。老氏吾取其佳兵不祥。釋氏吾取其戒殺。

京兆分司劉御史請予作寶璧詩云。誰言河水濁。鳴鏑約秦境。官軍鬧如蟻。城守申嚴警。寶璧一匹夫。欲汲困短絆。慷慨願自効。行臺可其請。從徒二十八。設伏獨園靜。邏騎百蹄翻。倏來落電影。勇士貴一決。猶豫失馬猛。賞功不踰日。簫鼓喧市井。英風激衰輓。胡以倍淒冷。

平生交遊贈余詩者多矣。惟鍾京叔二篇。嘗吟咏之。憶昔逢君北渚秋。藕花香裏醉輕舟。三年一別空回首。千里相思更倚樓。明月不隨春物老。碧山長帶暮雲愁。天平松竹黃華水。早晚柴車得共遊。思君一日如三載。兩寄詩來慰我心。塵土愈知人世隱。風煙遙見海門深。貧來笑我常癡坐。亂後憐君更苦吟。

歷下亭前春水闊，扁舟何日重相尋。

素菴以六忍寧心澄慮消禍致福。一曰忍觸，二曰忍辱，三曰忍惡，四曰忍怒，五曰忍忽，六曰忍言。飲食以三十口爲平，過則爲多，不及爲將病。此不知出處，當考。

古甲子

十干

闕逢甲

旃蒙乙

柔兆丙

彊圉丁

著雍戊

屠維己

上章庚

重光辛

玄默壬

昭陽癸

十二支

困敦子

赤奮若丑

攝提格寅

單閼卯

執徐辰

大荒落巳

敦牂午

協洽未

涒灘申

作噩酉

閼茂戌

大淵獻亥

康端父理問漢鏡銘云：田氏作鏡，世未有位三公兮。

潘轉菴題釣臺詩云：蟬冠未必似羊裘，出處當時已熟籌。但得諸公依日月，不妨老子臥林邱。英雄陳跡千年在，香火空山萬木秋。絕笑黃塵吹鬢客，愛來祠下繫扁舟。

日休八識眼、耳、鼻、舌、身、意。識第八識。詩云：兄弟八个一个癡，其中一个最蹺蹊。五个向外能經紀，止留一个看家計。

第八

識云：浩浩三藏不可窮，淵深七浪景爲風。愛□特種根身立，去後先來作主翁。不動地邊才捨藏，金剛

道後畢然空。大圓鏡智成無漏，普照十方塵刹中。

地水火風聚一區之假合，空住異滅成四像之遷移。三緣和合而緣生，爲身爲體。五蘊滅謝而入死，惟識

惟神。

五不男、天、健、如、變、半、

五不女、螺、紋、鼓、角、線、

前淮浙發運司主管文字趙汝諫，送姪壻張師道赴召詩五絕句，中云：翔鸞成鳳兩同飛，此日閩山是獨歸。聞說京塵迷望眼，後來誰爲洗征衣。有一士慕佳人，亦有詩云：君王自愛相如賦，左右安知卽墨賢。此語太逼人。劉雲震祭酒題明皇擊梧圖云：宮殿蕭森蔭碧梧，杖頭白雨趁花奴。還留飛下漁陽鼓，一曲霓裳救得無。

中原士夫出處

定齋先生李獻卿字欽止，河東人。

陳司諫規字正叔，稷山人。明昌五年進士，博學能文，詩亦有律度，爲人敦厚，動有禮節。南渡以後，諫官稱許古陳規，而正叔不以訐直自名，仕至右司諫，卒官。子良臣，今在燕中。

吏部高先生鳴字雄飛，崑崙人。歷彰德路總管，召爲翰林學士。至元五年，至御史，遷吏部尚書，終於官。

淄川先生楊弘道字叔能自號素菴默翁博學無所不知而不爲科舉計嘗以蔭仕於金遭亂南歸爲唐州司戶北還終於鄉里有小亨集十卷事言補一卷行於世

參政楊公諱果字正卿號西菴中山人金末王鶚榜登科歷偃師蒲城縣辟陝州行臺郎中北渡後復居洛陽紫陽爲課稅所官辟經歷官參河南經略司事中統改元召爲參知政事告老除懷孟路總管以榮其歸致仕後葬於鄉里

轉運田時秀字彥實易縣人大定十九年進士仕至太原轉運使喜作詩爲周德卿李之純賞識感興云散木不材寧適用虛舟無意任乘流百年身世槐安國千古人情藁頽侯賦古塔云緇構百年人換世消沈千古鳥盤空他類此彥實所居里名半十行第五以五月五日生小字五兒二十五歲鄉府省御四試皆中第五年五十五八月十五日卒造物之戲人如此如五月五日生者見共賦集考

太常卿石抹世勣字晉卿承安中進士終於禮部尙書子嵩字企隆應奉翰林文字父子皆死蔡州之難張戶部德直字伯直平陽人叔祖邦彥字彥才張□榜登科以□川令致仕有松堂集父迪祿字仲英明昌初進士歷岐山上黨二縣令卒於省掾伯直貞祐三年進士釋褐新平簿辟藍田令秩滿父老詣行臺留再任去之日爲立生祠移汚池通許召補省掾選授警巡院使終於同知武勝軍節度使事子城今居永寧

張介字介夫彭城人正大元年經義第一人歷舉毅熟二縣令幼有賦聲爲人有蘊藉嘗贈詩人楊叔能

末章云。我貧自救如沃焦。君來過我亦何聊。爲君欲寫貧士歎。才思殊減荒村謠。謠初以荒村

謠得名故云。

撒舉字彥舉。陝人性嗜酒。工於詩。客京師十餘年。竟流落以死。同時有鄭雲表者。慕彥舉之爲人。作詩挽之云。形如槁木。因詩苦。眉鎖蒼山。得酒開。人以爲寫真云。

道士申志貞。字正之。太原人。嘗爲道教提點。住京師長春宮。時道士舊傳十七人。坐與釋教持論不勝。落髮爲僧者。志貞其一也。後終於鄉里。

寂通老人陳時可。字秀玉。燕人。翰林學士。仕國朝爲燕京路課稅所官。

紫邏几几道人楊鴻。字飛卿。一名雲鵬。少梁人。北渡終於東平。有洞然集行於世。

虎巖先生趙著。燕人。終於編修官。

南湖散人曹居一。字通甫。又號聽翁。太原人。金末登進士第。仕國朝爲行臺員外郎。

新軒先生張伯逾。字聖俞。

紫陽先生楊奐。字煥卿。又名知章。奉天人。以明經。後進稱爲關西先生。少年時。自悟以前身爲紫陽宮道士。因自號國朝爲河南府課稅所官。有還山集行於世。

廉菴題趙輔之樊川圖云。一賦阿房萬古傳。豈知今有趙樊川。謝公墩上王公住。異代風流各自賢。高雄飛獨石詩云。一塊蒼頑石。頽然半水濱。可憐閭立本。徒寫五湖真。題杜幸老華山圖。上方可望不可到。今日興來時。臥遊。須信丹青有神化。世閒隨處是同州。